



17177

I Mag. St. Dr. P.

oribus Ioannes

stai Philakai Ledniewojanac

dormus.

PANEG. et VITAE

Feloni^o 4^o

ME 1243.

PHILAKAI
ZDZIEWOIANAE DOMVS.

philacati

Admodum Reuerendo Domino

GREGORIO IOANNI ZDZIE-
WOYSKI à Lasko; CONCIONATORI OSWIE-
CIMENSI ORDINARIO, ARTIVM MAGISTRO, PHILO-
Doctori, Notario Sacra Author: Apost: publico.

Z

Amoris ergo D D.



Vno qui verbo caelos, & cuncta creâsti:
ZDZIEWOIS benedic conditor omnipotens.
Dum vehet astra polus, capiet leuis æthra volucres:
Vnda maris pisces; Terra feretq; feras.

A STANISLAO OSEDOWSKI de Dzierzawy, Art: Magi-
stro, & Philosop: Doctore, Seniore Contubernij Zizaniiani,
Professore Rhet: Anno D. 1639.


200.

KATASIOSIS.

Principibus Vates magni sua barbita tangunt,
 Et gloriantur Regibus.
 Vobis ZDZIEWOY mea Pieris aptat honores,
 Ornata vestro nomine.
 Æternum memor in vitâ, & post funera, vestra
 In me perennis gratiæ.
 ZDZIEWOIANA Domus, celo dum sydera current,
 Tuis perenna laudibus.
 Perpetuoq; meo viuas in pectore semper,
 Deuincta summis Gratijs.

U. R. BIBLIOTHECA
 UNIV. IAGELLONICÆ
 CRACOVENSIS

171775



CRux? signum fidei. Falx? est insigne laboris,
 Vngula? Constantis sedulitatis opus.
 ZDZIEWOIANA Domus, tribus his ad sydera tendit,
 Quam iam iam spectat, tria Corona polo.

SI quis fortè cupis primis à fontibus ortum,
 ZDZIEWOIA gentis, nosse celebre genus?
 Huc ades, & paucis (si te iuuat) accipe verbis,
 Parua ZDZIEWOIV M splendida gesta domus.
 Miles erat, belli gestis præclarus & armis.
 Horum Abauus, ZDZIEWOY quem memorare Patres.
 Hic animo magnus, tendebat ad ardua semper,
 Et nulli cessit Nobilitate minor.
 Nec tulit egregia carissima prima iuuenta,
 Tempora ludicris, deperisse sua.
 Impiger ad pugnas, Mauortia Castra secutus;
 Bellona armipotens; se dedit armigera.
 Et meruit laudem multos insignior ante,
 Hostes aduersum dum stetit intrepidus.
 Non mea res tanto, præconia carmine vili,
 Ferre viro: Pallas quem stupet armifona.
 Inclyte tu Princeps à Lasko Iaroslæ,
 Sis pro teste tuo Dux bone ZDZIEWOIO
 Tu Siculum Comes, & Siêrade maximus ora,
 Palatine refer Marte togâq; potens.
 Quem tibi ZDZIEWOIV S se quondam præstitit armis,
 Quemq; virum ostendit miles hic egregius?
 Pannonias acies primus dum ductor agebas,
 Hunnorum Regi deditus obsequiis?
 Hic ergo sacras dignatus fœdere tædas,
 ZDZIEWOIA gentis fons & origo fuit.
 Illius thalamo Laurens procedit in auras,
 Spes magnas domui progenieq; facit.
 Hicce Valentinum, Albertumq; deinde propagat,
 Egregios natos, moribus eximius.

A 2

Qui vul-

Qui vulgo compellati cognomine passim,
Maiores solito schemate ZDZIEWOY.
Albertus rursum ducta de stirpe Rosarum,
ANNA PODLESKA coniuge conspicua.
Ex se Iacobum, Ioannem, Stanislaum,
Felix natorum pignora terna dedit.
Otia Ioannes fugiendo domestica solers,
Visere perrexit regna Silesiadam.
At Stanislaus gratis ne nomen haberet,
Laus instans placida quod sibi sorte dedit.
Ut verè semper sententia staret in ipso;
Conueniunt rebus nomina sepe suis.
Externas petijt gentes, & sole remotus
A patrio; incoluit Climata Moravia.
Iacobus verò naturâ mitior illis,
Lasci delegit tecta laremq; sibi.
Huic ductâ à Buczek Catharina coniuge castâ,
Sex geniti nati: septima nata fuit.
Martinus natu maior, quem deinde sequuntur,
Ioannes, Paulus, conspicuusq; Simon.
Fit Comes his ab eadem matre Gregorius ortus,
Post hos natales Bartholomæus agit.
Nata nomen erat pretiosa Margaretha,
Veræ namq; fuit gemma pudicitia.
Idcirco: quoniam iustum Carissima terris,
Non habuit pretium: iure potita polo est.
Vere nouo veluti, cum flos decussus ab Euro:
Peste ferâ, primo flore perempta fuit.
Quam fato rapti fratres puerilibus annis,
Expectauerunt sedibus atheris.

Ioannes

Ioannes, Paulusq; & Bartholomæus Olympo,
Quos inter Diuos extulit integritas.
Annos mille polo quingentos nonaginta,
Quinqueq; post Christum Sol tulit auricomus.
Cynthia verò nitens pulcherrima luce Nouembris,
Flammigero primam vexit ab exe diem.
Ducere Martinus cum prima exordia vite
Capit, & in cunis ludere dulce puer.
Crescit & in studiis, quantum ipso corpore crescit,
Plus tantò crescit sed pietate puer.
Quam docuit genitrix illum, genitorq; vicissim,
Insignes annis & probitate pares.
Nec mora, patricias ubi iam satis hauserat artes,
Inq; Scholis primum cepit habere locum.
Solliciti multum prolis de sorte Parentes,
Quid sit opus factò? dulcia vota ferunt.
Iagelloniacis placitum est mandare Camænis,
Inq; Academia deposuisse sinu.
Promptus at ille simul cognouit velle parentum,
Craciadam subito docta Lycea petit.
Inscriptus numero studiose moxq; iuuenta,
Pieridum sacris pectora docta vouet.
Profectu magno studiorum largius auctus,
Perceptis Sophia fructibus vberius.
Ad decus excelsum, titulosq; vocatur honorum,
Quos meruit vero rite labore sibi.
Alma parens illum complexa Academia mater,
Donat honoratum principe laureolâ.
Annus tunc ibat post iam Natalia Christi,
Mille rotis centum sexq; nouemq; decem.

A 3

Martius

Saluator

Martius in caelo Martino porrò praibat,
Luce nouemdecima uectus: ad artis opus.
Arte tibi Martine meus, non Marteparanda est
Gloria: non Martis, Palladis arma cape.
Nominis ingentis, multum terrarūq; poloꝝ
Promeritus Mystes, magnus in Ecclesia.
Te Martine suo affini Fridrichouius optat,
Te praeceptorem, te cupit esse ducem.
Commendata tua est pietas, virtusq; probatur,
Et labor, & studium, sedulitasq; placet.
Praesulis eximij facilem te nutibus offer,
Excole Nicolao pectora Rzesouio.
At minus est, minus est: prodesse laboribus vni,
Tu studio multis utilis esse velis.
Ecce tibi prodit tota cum plebe Senatus,
Curzelouiadum: sceptrā uouetq; Schola,
Oraq; Lascensis, pariter Pilcensis id ipsum,
Exorat supplex: alma Lycea regas.
Ipete digna tuis titulis subsellia Doctōr,
Et doceas iuuenum dogmata mille choros.
Inprimisq; Dei rudibus praepone timorem,
Hic omnis fons est, hic: & origo boni.
Iactat perpetuò Te Curzelouia iactat,
Nec potis est laudes sat celebrare tuas.
Dogmate quòd dexter, perfeceris usq; iuuenta
Ad fructus patriae pectora mille modis.
Inde notandarum Legum tibi facta potestas,
In populo: ex humeris Sedis Apostolicae.
Inde tibi Ciues inter laus maxima creuit,
Hinc fauor in populis, ortus & omnis honos.
Inde tibi

Inde tibi data nupta Zophia Kowalska marito est,
Pro Consorte viro, connubiog; venit.
Matre tibi pulchrā nata uenere gemella,
Bella Zophia Sopho uenit & Elizabeth.
Et duo praestantes tibi prouenere puelli,
Cum Stanislao, Paulus ab axe dati.
Fortunate parens ueniat benedictio caelo,
Te super, ac pariter progeniemq; tuam.
Ut videas natos, & qui nascentur ab illis,
Crescere perpetuò semper honore pari.
Hac tibi dum supplex donari calitūs opto,
Ecce tibi sociam mors inopina rapit!
At tibi pro raptā sponsabitur author Olympi,
Nunquam diuiduus, perpetuusq; comes.
Exue mortales, caelestes indue Curas,
Pastor abhinc Christi pastor ouilis eris.
Pro toto mundo placabis numina Mystes,
Votaq; persolues ter ueneranda Deo.
Mater ades, pia mater ades: Tuus ecce Tonanti
Filius, aeterno fert sua sacra Deo.
Prèndere quemq; nequit terrarum machina mundi,
Authorem caeli sustinet ille manu.
Tuq; bonus genitor, Nati spectator honorum,
Huc propera: precibus quos tulit ille tuis.
Ambo fatigastis semper pia numina votis,
Sacra Deo faceret natus ut egregius.
Natus sacra facit, manibus tractatq; Tonantem,
Solamen vestrum cernite; tempus adest.
Inter & Ecclesiae praelatos rite creatur,
Canonicus Pilca cernite quantus hic est?
Nec satis

Nec satis est vestrum sic iam clarescere natum,
Pergit adhuc meritis altius ire suis.
Limina sacra suis referata laboribus intrat,
Strzegonia: & Christi pastor ouile tenet.
Cui Stanislaus Warszycki Maximus Heros,
Et verus Patriæ nomine, regis Pater.
Masouia Palatinus, Regniq; Senator,
Contulit eximium Canonicale iubar.
Ipsius insigni ingenio studioq; modesto,
Digna parat digna præmia, dignus Herus.
Quid referam? quantos sibi conciliauit amores,
Illius probitas, vitæq; labe carens.
Inter Sarmatiæ Dominas benè prima Ducissas,
Dux Wisniouiensis testis es ipsa mihi.
Diuini Mystæ quæ laudis summa dedisti,
Præmia virtuti; femina digna polo.
Mitto Martini præconia cætera laudum,
Quæ resident sacro pectore ZDZIEWOY.
Manfuetudo mihi non prætereunda Simonis,
Mitia, qui mitis rura paterna colit.
Hic nihil excelsum, nihil & complectitur altū,
Solâ fed Superis simplicitate placet.
Moribus antiquis, veròq; labore beatus,
In laribus paruis maxima regna tenet.
Hic natum nactus Stephanum, quæ cura Parentis
Sollicitè studijs tradidit ingenuis.
Ad laudes minimi natu iam pergo Gregorij,
Auribus attentis Lector & ore faue.
A Christo nato: Solis millesimus Annus,
Bis ter centenus, nonus & ibat equis.

Porro

Porro dein decimâ Mars aurea cornua Luna,
Luce polo vexit, non remorante rotâ.
Paruulus æthereas mundi dum prodit in auras,
Et dias luces hic puer ingreditur.
Nil molle in puero, puerile nihilq; notatur,
De puero in cunis concipere alta licet.
Care parens, dulcis genitrix: persoluite grates.
Terrigenum pariter calicolumq; patri.
Cumq; domo totâ testati gaudia plançu,
Implete optatâ pectora latitiâ.
Hic puer ingenti famâ vos efferet olim,
Et magni vobis author honoris erit.
Pusto vix sese cunis exporrigit infans,
Et molli placidam vix pede pulsat humum.
Iam tibi cara parens tua per vestigia fertur,
Adq; sacras ades fit Comes assiduus.
Iam tibi care parens, magnarum sedulus instat,
Virtutum expressor, paruulus ille licet.
Fert paria, & summo vobiscum vota Tonanti,
Quantumuis impar sit ratione puer.
Moribus integris inter dignissima matres,
Summum de nato nomen & omen habe.
Inculpate parens, Laus inter summa parentes.
Accipe de genito calitus augurium.
Qui modo molliculo se poplite sternit ad aras,
Supplex innocuas ferret ad astra manus.
Hic puer è summo deducet Numen Olympo,
Pro mundo, & vobis thura dabitq; Deo.
Iam pia mens impletur ei spiramine sacro,
Iam placitis calo sensibus imbuitur.

B

Nil va.

Nil vanum, nec inane suo iam pectore versat,
Cuncta sed ad nutus dirigit aethereos.
Tantum recta valet sanctorum cura parentum,
In pueris tantum sollicitudo potest.
Sic ad summa mouent natos exempla parentum,
Sic Pietas pennas addere saepe solet.
Et dabitur tempus meritis cum vectus in altum,
Inter honoratos nomina magna feret.
Vix curis rudibus venit rationis ad usum,
Mollis adhuc, nec dum robore sufficiens.
Sponte sua puppus nullo cogente Magistro,
Sacra petit letus limina Castalidum.
Ac primo Lasçi pertractat prima Mineruæ,
Corporis in paruâ mole elementa sui.
Curzelouia des quem dein traxere Camenæ,
Mox Sicradensis fauit Apollo sinu.
Nec mora Lublinum cum iam vernantior annis,
Iret eò: Musas hunc docet Ausonias.
Post Cameneciades illum erudiere Palaestra,
Dum Scytici spectat littora Danubij.
Cui simul ut Musæ vernanti flore iuuenta,
Pectus & ingenium percoluere satis.
Mens generosa subit: virtutis ut ardua quæq;
Perficiat: magnum querat & inde decus.
Ergo posthabitis sudoribus atq; periculis,
Pro nihilo ducto quoq; labore graui.
Magnanimo puero peragratur in extera regna,
Et petitur regio quæq; remota sibi.
Visuntur Valachi, Moldaui, Sicula tellus,
Et Transyluani conspiciuntur ei.

Hunga-

Hungaria partes cuncta gressuq; teruntur,
Obuia solerti terræ, quæq; patet.
Deditus obsequijs Betlêm Gabrielis amico,
Transyluanorum Principis eximij.
Huic Stephano nomen, porro cognomina Lazar,
Perpetuò placuit dexteritate sua.
Aulam siue penes mansisset, siue ferentem,
Munera Legati, forte secutus herum est.
Nec satis egregio iuueni consistere visum est,
Hic: & virtutem iam stabilisse suam.
Altiùs ire cupit: Macedonum visit & oras,
Et Samogitiadum regna cruenta videt.
Haud ignote Croata illi notescis abunde,
In promptu mores cum tenet ille tuos.
Non obscura lates illi Germania tellus,
Perlustrauit humum sedulus ille tuam.
Nota Silese tua est illi quæcunq; potestas,
Cognita sunt illi Morauæ regna tua.
Post ubi lustrauit solers tot regna, tot vrbes,
Diuersis linguis edidicitq; loqui.
Rursus ad ingenuas pubens conuertitur artes,
Craciadum & gnarus docta Lycea petit.
Inscriptus libro Studiose iamq; iuuenta,
Insudat Musis sedulus Aonijs.
Sedulus in studijs teneros & collocat annos,
Musarum doctis inuigilatq; choris.
Noctes atq; dies intentus saepe labori,
Quicquid ad ingenium spectat, in arte colit.
Exercet Latias, pariter Græcæq; Camænas,
Discit: & Hebræis percolit ora modis.

B 2

Dogmata

Dogmata docta Sophum penetrat, scrutatur & artes,
Insignes docili qualibet ingenio.
Postq, Deum natum, cum iam millesimus annus,
Bis tricenens: ter denuſ & vnus adest.
Artibus emeritus, studijs doctusq, Sophia,
Ornatur Phæbi principe laureolâ.
Inter & insignes iam Baccâ laureus effert.
Arte caput: titulis tangit & astra suis.
Florida plaude tuo Doctori plaude iuuentus,
Et Cathedram violis spargito; sparge roſis.
In cultis Academia legiſſe roſetis,
Contigit hunc quicquid proferet ille tibi.
Fructibus immensis doctrina teg, beabit,
Pectore dum promet dogmata docta Scholis.
Qualis mercator longis qui vexit ab oris,
Oceanî gemmas expoſuiſſe ſolet.
Aut fax igniuomis flammis accenſa per orbem,
Cymmerias tenebras cum procul irradiat.
Haud ſecus hic multo doctrina munere lecto,
Quod pretio ſuperat quodq, monile ſuo.
Expandet vobis nullis mercabile gemmis.
Ingenij pignus pondera cuncta ferens.
Et celsas mentes tenebroſo corpore fixas,
Doctrina faciet corrutilare face.
Lumen inacceſſum valeatis vt æthere noſſe,
Et terris vitam viuere calicolum.
At minus ille putat ſoli prodeſſe iuuentæ,
Vtilis eſſe magis percipit Eccleſiæ.
Hinc Academia coniungit honoribus altis,
Culmina regalis ſumma ſacerdotij.

Et titulis

Et titulis vtriſq, potens, bene munus vtrunq,
Sustinet, inq, ſcholis, Eccleſiaq, Dei.
Agnoscit multos bona Curzelouia fructus,
Cum docuit patrijs quos tulit ille ſcholis.
Ipsaq, qua poſt ſe gratus monumenta reliquit,
Pignus in æternum, ritè fatentur idem.
Agnoscit Pilcense ſolum, ſe præſide tali,
Percepiffe ſuis commoda mille ſcholis.
Quæ teneris annis, nimium molliq, iuuentâ,
Rectorem iuuenum vix habuere parem.
Patria quid Lasko? tellus quid iactitat altrix,
Felix de tanto pignore terra ſuo.
Cuius honor, patriæ nutricia viſcera tangit,
Et meritis clarum tollit ad astra caput.
Ambitioſa ſuo nato, cui præbuit altrix,
Vbera: honorato munera præſtat humus.
Sceptra regenda ſcholæ, docilem traditq, iuuentam,
Et ſacram Cathedram porrigit Eccleſiæ.
Annuit hic precibus patriæ, votiſq, benignus,
Fert onus, & pariter munus vtrunq, ſubit.
Calite præſidio ſuffultus, vtriq, paleſtræ,
Sufficit, & meritis pulchra trophæa refert.
Sacra ſalutiferis documentis templa beantur,
Diuinis populo dum tonat ille modis.
Docta Lycea vigent, augentur & agmine multo,
Moribus & studijs multiplicata bonis.
Incorrupta fides, leges & iura rigescunt.
Publica dum ſcribæ tractat is officia.
Sedis Apoſtolice ſibi quæ ſuprema poteſtas.
Per Necium doctum Juris in arte, tulit.

B 3

Crescentis

Crescenti meritis, accrescit munus honorum,
Virtutemq; suam gratia persequitur.
Et veluti comes indiuisa est corporis umbra,
Sic dignum semper concomitatur honos.
Multa videns, & multa putans dignissima laude,
Quæ commendabant re bene ZDZIEWOIV M.
Ioannes RONISZEWSKI vir nomine magnus,
Insula velauit cui sacra ritè caput.
Prepositus Lasceus, & idem Maximus inter
Canonicos Craci, nomina summa tenens.
Canonicale decus præclarum contulit illi,
Canonicos inter constituisse volens.
Non satis hic titulus: maior, maiora merenti
Gratia defertur, gloria, maior honos.
Scilicet in Malin, delata Parhæcia curæ est
Illius: ut Christi pro grege ferret onus.
Munus at ille sibi oblatum deponit utrumq;
Nec vult sublimes penè subire vices.
Forsitan immensos piget huæc sufferre labores?
Pro populo curas & tolerare graues?
Fortè recusat onus? discrimina multaq; rerum?
Quæ sibi pro Christo sunt subeunda fugit?
Quin potius, tantò melius pertractet utrumq;
Munus ut, Ecclesiæ fiat & utilior.
Posthabet ad tempus instum, decus istud, & istud,
Ex Academiâ dum magè doctus eat.
Philosophia cui magnâ cum laude secundis,
Inclÿta præcinxit tempora laureolis.
Nec multos posthac Jurisprudencia soles,
Imponet capiti præmia digna suo.

Imponet

Imponet fronti sacra spes maxima celo,
Propria caliculisserta Theologia.
Quando quidem natura parens se fudit in illum,
Et celsum ad quiduis contulit ingenium.
Dotibus in tantis, sibi nilq; deesse videtur,
Præter quàm centrum, tenditur ad quod ei.
Jamq; Deus signauit iter, quo tendere debet,
Pro volucris pennâ fultus amore Dei.
Ipseq; per delubra locis constructa sacratis,
Sat sibi iam mollem strauit ad astra viam.
Et monstrauit iter multis ad sydera celi,
Dum tonuit populo dogmata vera Dei.
Munere facundæ linguæ mysteria pandens,
Atq; rudes Christi iussa verenda docens.
Diuersis templis, quibus Vrbs Cracouia floret,
Diui JOANNIS maxime at Ecclesiâ.
Alma Dei Genitrix, sacris quæ sedibus istis,
Clares mirâclis Virgo stupenda tuis.
Virgo faue: Mystæq; tuo Te sæpè Patronam,
Et veram Matrem fac pia præstiteris.
Sumite lætitiã de vestri munere nati,
Et de tot titulis crescat utriq; decus.
Proh dolor? inuidit vobis bona tanta parentes,
Mors fera, dum vitæ stamina præsecuit.
Cernere non licet vobis in sanguine vestro,
Optâstis nato quod prece sæpè decus.
Non licet at quamuis mortali cernere visu,
At sentire licet scilicet auxilium.
Quod (si forsan adhuc lugetis) fertur ab illo
Pro vobis quoties supplicat ille Deo.

Felices

*Felices anima nimum gaudete Parentum,
Deg. pijs nati participate sacris.
Perq. preces geniti referato limine cali,
Eueniat vobis iam Deitate frui.
Detur & in calis cunctis requiescere seclis,
Tam Jacobe tibi, quam Catharina tibi.
Plurima virtutum ZDZIEWOYSKI gloria restat,
Laudibus illius sed mea Musa minor.
Cui doctrina, cui pietas dux summa par arunt.
Inter Magnates nomina Terrigenas.
Felix o nimum Lasko, ter patria felix,
Plus ultra felix, dicere quam satis est.
Belligeris animosa viris, & milite quondam
Clara sub arctois & bene nota polis.
Nunc vero natis sapientibus aucta resulges,
Inter & ut stellas Cynthia plena nites.
Lucent Ecclesie vigili Pastore per Vrbes,
Claustra referta vigent religiosa pijs.
Alma parens doctis Academia claret alumnis,
Quos produxisti tu bona Terra tibi.
Sed reliquos inter quæis altè patria crescis,
Præcipuè crescis Patria ZDZIEWOJIS.
Sed iam tempus adest, positus in fronte coronis,
ZDZIEWOIVM, Phæbo composuisse chelym.
LASCIA stirps, quacung. viges, quacung. vigebis,
Eiã ZDZIEWOIOS facce sequare tuos.
Quòq. Duces tanti venère laboribus aspris,
Fac sudore tuo, tu quog. peruenias.
Ardua res virtus, sed non operosa volenti,
Inuia Sudori peruia quæq. via est.
FINIS,*

SERIES VITÆ ET ANNORVM
R. D. GREGORII IOAN:
ZDZIEWOYSKI à LASKO
Art. Philosoph. Doct.

9
ANNO à partu Virgineo 1609. Lasci primam lucem aspexit. Die decima Martij, Feria tertia in aurorâ. Eodemq. die è sacro fonte lenatus. *Ante 4. Temp. Crac.*
Prima elementa literarum, Lasci 1615. inchoauit.
Curzelouia 1619 Circa literas desudauit.
Deinde 1621. Causâ studiorum Siradiam missus.
Humanioribus studijs, 1623. Lublini operam nauauit.
Post Cameneci in Russia, 1625 tempore pestilentia grafsantis in Polonia, literas tractauit.
Tandem 1626. pulueris scholastici molestia periasus, lenandi animi gratia; Regnorum externorum amplissimas prouincias cum Legato Gabrielis Bethleemi principis Transyluanorum peragravit.
Rursum Anno 1628. Musas Crac. salutauit.
Artium & Philosophia Baccalaureus in Almâ Acad. Crac. Die 6. Aprilis 1631, pronuntiatus.
Gymnasiarcha & Notarius Curzelouiensis 1632. extitit.
Pilcensis Scholæ regimen 1633. accepit.
Deinde eodem anno die 19. Februarij Gradum Minorum Ordinum Cracouia obtinuit. Die vero 12. Martij, 1633. Sacris Ordinibus Subdiaconatus Ornatus est.
Prima die Aprilis, 1634. Diaconus Creatus.
Denum 1635. Die tertia Martij, tempore Comitiorum
Gene-

*Generalium, Varavia in Ecclesia S. Ioannis in Presbyterum
Consecratur.*

*Eodem Anno Mai 27. ipso Die Pentecostes, Tremendum
Sacrificium Missae, in Ecclesia Cathedrali Cracoviae, ad Mau-
soleum D. Stanislai Deo obtulit.*

Eodem anno Officium Sacri Oratoris Lasci suscepit.

Notarius publicus 17. die Octobr. 1636. instituitur.

*Allectus desiderio literarum, Cracoviam se Contulit
1637. ibidemq; in Ecclesia S. Ioannis munus Concionatoris
sustinuit.*

*Artium Magister, & Philosophiae Doctor, in Almâ Aca-
demiâ Crac. Die 16. Aprilis 1638. salutatur.*

*Post Academicos verò labores, Verbum Dei feliciter pra-
dicare Oswiecimi, in Ecclesia B. V. M. aggressus est.*

EPIPHONIMA.

Splendor ZDZIEWOIAE DOMUS GREGORI,
Musas qui Colis; & faues Camænis:
Quos Confecro tuo libens amori,
Versus accipe fac meos benignè.

Scinde plebanus Wilanowensis

*scripsit M. Stanislaus Osędowski Collega Minor & Profes.
in Alma Acad. Crac. P. P.*

1640 August 27.

C R A C O V I Æ,

In Officina STANISLAI BERTVVIC,
Anno Domini, 1639.



